

QVÆSTIO MEDICA,

QVODLIBETARIIS DISPUTATIONIBVS
MANE DISCVTIENDA IN SCHOLIS
Medicorum, die Iouis, 17. Nouembris,

M. HENRICO BLACVOD, Doctore Medico,
Moderatore, Professore & Medico Regio.

*An visceribus nutritijs æstuantibus Metallicarum
aquarum potus salubris?*

I.



ISCERA quæ nutriendo corpori apparant & adornant cibos, omnia calent naturâ suâ: quandiu modum seruât calor, ea bellè constituta habentur, vt æstimatione caloris viscerum integritas, vitiûmve terminetur. At ille sæpius superat. Equidem incautâ victus ratione non rarò squallent viscera illuue, quæ tandem putredine accenditur: ea vel suffusa, obducto veluti limo, extrema tenet viscera: vel eorum exilibus abstrusa venis, altiûsque condita parit illam, Medicis percelebrem, obstructionem, plurimorum morborum quasi parentem. Calore crassior fit, viscidior, & acrior

A iii

illuuias, vt ea agrè emendari possit, nec facilè queat ob-
structio summoueri: vnde morborum mora diuturnior, &
peruicacia; vt illi vel medendo agrescant, vel vix desinant,
& egris ferè commoriantur.

II.

EDAX calor viscerum medullas sensim exest, & eorum
succo alitur: vnde exarescunt viscera, tumque fit
morbis, qui *aiarum* dicitur, & ille grauissimus: sicca
viscerum intemperies, quæ, etiam leuis, non leuem reli-
quo corpori infert noxam; ipsa perdifficilis curatu, si inge-
nitum vtrumque humorem depastus fuerit calor: vt ad vi-
tam referat maximè, viscera non exsiccari.

III.

IN terrarum abditis, quæ per metalla decurrunt aquæ,
vim & Facultatem Metallorum adeptæ, Metallicæ di-
cuntur: eæ quandoque prorumpunt, tum emicant fon-
tes, quos plurimis corporis vitiis mederi plerique prædi-
cant: tactu illi vel calidi, vel egelidi, vel frigidi sunt: sapo-
re vario, vt alij sal, alij nitrum, alij ferrum, alij æs, alij bitu-
men, alij chalcanthum, &c. sapiant: qualescunque fuerint,
calore, & siccitate insignes sunt, vt ex his epota aqua calo-
ris molestias non sedet, humoris verò insiti non minimum
absumat, & tabem accersat: quippe quæ quasi per calcem,
& cinerem exustæ terræ, è quâ generantur metalla, manet
& percolètur; vt verè lixiuia dici possit: quæ tamen viscera
bile tincta eluere ipsa per se nequeat. Vnus natiuus calor
id præstare valet; vt vigente febre linguæ fuliginem, de-
tergentium etiam acriorum vsu, detrahare perperam tenta-
ret Medicus.

AQUÆ Metallicæ duræ sunt, nec nisi ægrè coctione emolliri queunt, vt caloris natui vim penè omnem superent: vrinas nec illæ cient, aluumve mouent: liberalius etiam epotæ, quandoque morantur, & morandi causam, ductuum obstructionem, amouere non valent: quin eam adaugent, ramentorum metallicorum congerie: vnde graues exoriuntur affectus febris, squissimus capitis dolor, colicus cruciatus, & ille nothus, icterus, cholera: nec illæ innoxia licet effuant, etiam citissimè; vt ipso excursu suum effundant ardorem, iamque insitam visceribus feruidam *stipulæ*, & eius sobolem sterilitatem, hystericos, atque hypochondriacos affectus confirmant. Haustrum largiùs merum, quamuis post haud multo effusum illud omne fuerit vomitu, secessu, vrinis, ecce mentem, sensus consopit omnes, soluit artus. Pleuritidis materia, quæ per pulmones celeriter permeat, vt expectoretur, eos accendit & inflammat.

V.

QUÆ ex feruore viscerum laborant, si fortè metallicos fontes adierint, belli quandoque reuertuntur, vt æstus ferant leuius, habitiores etiam euadant. An morbi iam senescentis remissione, administratis antea remediis, quæ feruorem temperarint? atque tum natura firmior, suisque iam munita prædiis, causam morbi omnem depellit, Metallicarum etiam aquarum vim malignam elidit? Contigit, vt æstu febrili diu, multumque iactatus, febre tandem deferuescente, meri plurimum ebiberit, atque ex eo habuerit melius, & febre omninò fuerit liberatus: eone cuius ardore febrili conflagranti, vini vsum prudens Medicus consuleret? aquæ quouis metallo medicatæ, potior non est ratio: refrigerandi vi nulla pollet: illius haustru quæuis intermittens febris, etiam contumax, excandescit, fitque perniciosior: bilis in cholericæ alui perturbatione susdeque maiore fertur impetu: foku effertur erysipelas, serpitque il-

126

lud, & manat latius. Nullus extat morbus, quem humorum
astus concitarit, qui Metallicis aquis non exacerbetur.

*Ergo visceribus nutritijs astuantibus Metallicarum aquarum
potus non est salubris?*

Proponebat Lutetiæ IOANNES PIETRE, Parisinus,
Anno R. S. H. M. DC. XXXIII.

Domini Doctores disputaturi.

M. Gilbertus Puylon.	M. Hugo Chastes.	M. & P. R.
M. Victor Pallu.	M. Nicolaus Heliot.	M. Henricus Blachod Prof.
M. Georgius Ioudonyn.	M. Ioannes Vacherot.	M. Gabriel Elard.
		M. Ioannes Desgorris. M. R.

LVTETIÆ PARISIORVM.

Prostant exemplaria apud NICOLAVM BOISSET,
Typographum, in Platea Malbertina,
ad insigne Diui Stephani.

M. DC. XLVII.

*cette Chaire est le 7908 Du tome V in folio.
en avant du conseil Du 16 Dec. 1633 apres
qu'elle ne fut soutenue. il fut sollicité par
Goussard, alors premier medecin, qui pretendit
qu'elle attaignoit sa jurisdiction sur les cas
médicaux du royaume. — — —*